

als een Testament irrevocabel toebehoort oft forme van eenighe anderen Legatie nietyegenstaende recht oft costuymen der plecke ende verbindt hy hem selve alle syn goet present ende toecomende synen Eedt oock doende op syn deel Hemelrycx ende opt verlies van syne ziele, dat hy dese donatie inter vivos doet tot ende door goede intentie niet om imant te frauderen, dan alleenelyck tot syne zielen saligheyt.

Van alle datter gedaen es ende gepasseert, den voors Adriaen Cosyns Testateur en Donateur begeirt van my notarius hem een Instru= mente oft meer Instrumenten gemaect te hebben om hem te die= nen daer hyse van doene saude moghen hebben; als sonder be= drogh ende gelist.

Aldus gedaen binnen der Stede van Edinghe ten huyse en woons= te der voors Eerw Heeren Prior en Procurator van de Cartuyers voors, presenten discreten en eerbaere persoonen Barthel de Leeman en Willim Pauwels van Hernegewout, en daerenboven tot meerdere corroboratie ende verschertheyt met my ende Ghetuy= genisse boven genoempt, sonderlinghe geroepen Arendt Neeten notarius aplicus et Regalis. Jaer maendt dagh en Indictie als boven. Onderteeckent Ita attestor Arnoldus Neeten Notarius apos= tolicus et regalis. Neeten. Ende daer onder noch : Et ergo Jões de Cousenere pbr sacra apostolicâ et Imperiali autoritate Nota= rius, quia praemissis omnibus et singulis presens interfui et sic omnia fieri audivi scivi et vidi; id circo hoc presens publicum Instrumentum manu licet alterius, fideliter tamen scriptum et in hanc publicam formam redactum, nomine ac cognomine ac signo manuali, in fidem eet robur praemissorum omnium sub= signavi ad haec specialiter rogatus eet vocatus. Signat J.D Cousenere notarius aplic^s admissus; Collata est haec pre= sens Copia cum Instrumento originali, inventa est de verbo ad verbum concordare 1583 die mensis Marty duodecimâ Ita attestor J D Cousenere notarius aplicus admissus.

Bona haec brevi post varijs fuêre divendita ex quibus ut alio loco vidimus provenit summa 2200 Librarum Turonensium quae fuit applicata ad aedificationem Ecclesiae combusiae nostrae.

Anno 1590 D. Adrianus van den Dorpe Prior noster nominatur in Cartâ Capituli gls Convisitator hujus Provinciae quod tamen officium ultra annum non tenuit.

Jam redditâ aliquâ saltem tranquillitate circâ has nostras Patriae par= tes paulatim haec Domûs incipiebat restaurari; cum ecce novâ et gravi jacturâ visitavit nos Dominus cum totâ fere Civitate Angiensi Registrum nostrum anno 1508 intitulum habet fol: 75 v^{so}

Anno 1594. Augusti 27^a Casuali incendio conflagrata est penè medietas civitatis Anghianae: quod initium sumpsit in de Borrestraete ex Bràxatorio Arnoldi Reetem et consumpsit partem illius plateae usque ad domum Dni de sassegnies, Ecclesiam fratrum Augustiniensium cum Horreo et stabulis Xenodochy et totâ ollâ augustiniensium plateâ, et ex parte plateam ab una parte a xenodochio ascendentem ad forum usque ad Insigne Alvearis, retro verò has Domos, omnes aeteras officinas consumpsit usque ad Hallas vel ut vocant Domum ubi blada venduntur: a praefatâ verò Domo alvearis ex opposito, domo conflagrata; transyt ad plateam dictam de silverstraete, in quâ exussit aliquas Domos et stabula et Horrea. inde transiens et consumens multas retro positas officinas, venit ad plateam de Hernestraete dictam, circâ medium plateae et utrimque usque ad portam Herinensem flamma vorax quidquid obvium habuit, consumpsit. quo etiam incendio nos amisimus nostram Domum in de Ghyloijstraete sitam, non procul a foro piscario. simili quoque et eodem infortunio sacellum S. Sebastiani cum Domo Carmelitarum, totâ illa platea cum plateâ in quâ est Horreum pauperum et aliâ plateâ usque ad locum dictum den Berghe, in cineres flamma redegit; nec potuit ullum adhiberi remedium, ob nimiam vehementiam venti quâ in momento penè tota et omnia supradicta loca ignis saeviens invasit et consumpsit. Pyssimus Jesus misericors dulci consolatione nos mulcere dignetur. dicuntur ab incendio conflagratae quadringentae et quinquaginta Domus.

Anno 1596 perfectus tandem est Chorus noster aedificatus in loco in quo fuerat antea Chorus conversorum, hoc patet ex annotatis P^r Huart Registro Litterarum 1344, his verbis: anno inquit Dñi 1596 in profesto D Brunonis Patris nostri, incepimus iterum cantare divinum officium in Choro Conversorum qui modò inquit est Choro noster

anno 1598 septembris 24^a de licentiâ V.P. Visitoris, D Adrianus Prior cum suo Conventu contraxit ex unâ parte et D^o Abbas S^{ti} Autberi Cameraci et Conventus hujus ex alterâ parte, contraxerunt et permutarunt inter se varias partes Terrarum, innovarunt antiquum Contractum pro exemptione Decimarum, et onus in nos suscepimus foundationis missae dictae de Capellâ trium missarum per singulas anni hebdomadas in perpetuum, quae fundatio per sacerdotem saecularem deserviebatur antea. Litteram originalem hujus foundationis nobis non tradiderunt, sed Librum proventuum hujus Beneficij quem habebat Capellanus ille sacerdos saecularis: qui annui proventus consistebant in 8 florenis Redditûs annui parum plus, in uno modio siliginis et in 4 Bonarijs 2 Jornalibus eet 50

virgatis Terrae et parva Decima in Haycruyssen. illa 4 Bonaria bene nobis constiterunt et considerata fuerunt in permutatione Terrarum Bonaria quae illis nos cessimus optima certè totius erant Pagi, illa que nobis illi tradiderunt, nec erant nec futura sunt unquam talia. quidquid sit, illa permutatio postea confirmata fuit a Principibus hujus Patriae Aberto et Isabella quibus se junxit nuntius apostolicus et Rev P^o Generalis noster.

Anno sequenti 1599 cum advenisset Carta Capituli gls, maximâ cum stupefactione Conventualis viderunt in illa verba sequentia: Priori D. Capellae alibi necessario fit misericordia, et committimus visitoribus ut provideant dictae Domui de alio Pastore, aut per viam electionis vel ut ipsis videbitur expedire. et Domui Monachorum (propè Arnhemium in Gelriâ) brevi ut speramus restituendae ordini praeficimus in Priorem D. Adrianum Dorpium, propterea a Domo Capellae absolutum; sed residentiam habebit in Domo Leodij nec=

quicquam agere sine Consilio Patris Visitoris praesumat. Hinc Conventuales, concessâ illis electione, vocatis ad hunc actum P^o Visitoribus, absolutum suum et verè dilectum Priorem, novo exem= plo iterum elegerunt et installaverunt intonantes et cantantes in Choro simul Canticum: Te Deum laudamus. quibus ut Wallius scribit, visitatores facilè consenserunt, cum res Patriae non pro voto succederent, erant hi Conventuales qui rem tam egregiam fece= rant sequentes: Philippus van Belle vicarius. Nicolaus Huart Procurator, Cornelius de Dyer, Joannes Roost sacrista, Augustinus, Robertus de Belle et D. Joannes Roost.

Anno 1600 ut habet Registrum notatum 1508 fol. 24, fuit valde vehemens gelu et intensum, quod duravit fere a festo S. Agnetis 21 Januarij usque ad Octavas Paschae quae celebrabatur 9^a aprilis, itaut in vigiliâ et ipso die Paschae nix operuerit terram ad altitudinem pedis similiter et in ipsis Octavis et postridie Octavarum, et fuit iisdem diebus gelu tam vehemens, quod multae arbores obriguerint et congelatae sint eo quod propter spissitudinem nivis non posset gelu intrare terram. in tantum quod hoc anno non habuimus u= num acinum etc haec credo me superius scripsisse.

Hoc anno Chorus noster aperibus tectus est et anno sequenti 1602 D. Adrianus Dorpius Prior hujus Domus iterum institutus est Con= visitor Provinciae et anno 1608 ascendit ad Capitulum generale anno 1609 factum est sub Generali Brunone D' Affringues, memorabile quid non solum in hac Domo sed et in totâ Provinciâ: hic Reverendus Pater et Capitulum generale Provinciam nostram integram quod officiales subverterunt suscitati a quo, ignoratur.

Daputati aut Commissarij pro visitandâ Provinciâ erant D. Petrus Serval Prior D. Montis Dei et D. Martinus Bleneau Prior Domûs

Noviomi Visitatores ordinarij Provinciae Picardiae, hi circa Calendas novembris hoc anno Domum Bruxellensem visitarunt in quâ Prior erat D. Hercules Winckelius prof D. Lovaniy Bruxell et visitator hujus Provinciae. hoc actu visitationis finito, venerunt ad hanc Domum Capellae in quâ D. Adrianus Prior erat en Provinciae Convissitor, quem in visitationis actu absolverunt dante: Conventualibus electionem. ad hanc ut se ritè prepararent secundum statuta interea temporis Domum Sylvae S. Martini adierunt ibique Domini illi plenipotentarij, idem fecerunt et absolverunt Priorem D. Jacobum Denijs, qui tamen tam egregius vir erat ut postea factus sit Visitator, et miserunt illum Gandavum ad Domum suae professionis functurus in illa officio vicarij. tunc repetentes hanc Domum Capellae in quâ Conventuales in electione non concordarant instituerunt in Rectorem D. Robertum van Belle vicarium, et Priorem absolutum D. Adrianum fungi jubent officio vicarij in quo officio obyt. D. Augustinum van Doorne instituunt Procuratorem absoluto Procuratore D.

Tum Bruxellam reversi absolvunt D. Herculem Priorem hujus Domus Provinciae visitatorem qui absolutus elegit Domum habitationis suae Diestensem in quâ ex hydropisi brevi post obyt 5^a scilicet July 1611. praefecerunt autem Domui Bruxellensi D. Joannem Emmechoven professum et Priorem D. Lovanij in quâ D. Godefridum de Haelmale constituerunt Rectorem.

Erat in Domo Leodij Prior D. Joannes de Steelant, quem ad se Bruxellam venire jusserunt et ibidem illum absolverunt et mittunt ad Domum Diestensum vicarium.

deinde Brugas pervenientes absolverunt in Domo monachorum vicarium et Procuratorem, vicariatum imponentes in D. Joannem Marenssem professum D. Leodij et Procuraturam dantes D. Guidoni. - in Rectorem Domus Sylvae S. Martini instituunt D. Livinum de Jaghere professum D. Gandavi, in vicarium D. Cornelium La Rousse professum D. monachorum Brugis, in Procuratorem D. Egidium Blitterswyck professum D. Bruxellarum praecedenti Procuratore D. Petro Lamberti professo D. Lovanij remisso ad Domum suae professionis. qui brevi post factus est hic Procurator, absoluto D. Augustino. In Domo Diestensi similiter vicarium ac Procuratorem absolverunt in vicarium eo miserunt absolutum D. Priorem Leodiensem ut supra in Procuratorem instituentes D. Petrum Eikermans.

Gandavi absolutis officialibus illis etiam duobus mittunt ad illam Domum vicarium ut supra, et alterum D. Laurentium t Serjants professum D. Lovanij

In Domo Leody Rectorem nominarunt D. Joannem Brial professum

majoris Cartusiae et anno sequenti D. Henricus Orto Vicarius fuit missus hospes ad Domum Sophiae. in qua et Patres Commissarij et Priorem absolverunt et novum Priorem posuerunt D. Joannem Taperum professum D. Leodij et absoluto pariter ibidem Procuratore Procuraturam dederunt D. Joanni Nanningio professo D. Leodij debebant etiam per egregios illos Reformatores turbari moniales, nam apud illas absolventes Procuratorem, loco ejus posuerunt D. Melchiorum Charles, professum D. Lovanij quod officium (teste Wallio) proficue exercuit illisque aedificavit Ecclesiam et in eo officio usque ad mortem perseveravit, quamovi electus (addit) in Priorem D Capellae. V.P. Emechoven abdicavit officium visitoris quod illi imposuerant Plenipotentiarj, exponens in generali Capitulo anni sequentis suas rationes et curans illud demandari V.P. Arnolfo Havensio Priori D. Gandavi, vicariam illi operam navare contentus.

Per Cartam anni sequentis illae mutationes, sine dubio pro hac provincia et pro ordine toto scandalosae, fuerunt confirmatae, positi Rectores nominati Priores etc excepto Rectore D. Lovanij qui vicarius fuit in illa Domo factus, et in Priorem assignatus D. Joannes Baptista

obijt tadem D. Adrianus van den Dorpe venerabilis senex et vicarius 6^a July 1619. sufficiat de eo proferre testimonium Wally in suis annalibus: obijt inquit habens missam de B^a Maria, vir misericordiarum, qui in Caritate maximam annonae, Gentilibus suis effusis liberalitatis habenis, subvenit: flagrante Ninoviensis oppidi incendis. Ipse idem diversa exilia et diversas querere Terras coactus, modo inter sicambros, modo in Cartusia Erffordiae partem aerumnarum suarum devoravit

D. Eustachius Bertechamps monachus professus hujus Domus circa annum 1570. sub D. Nicolao Huart Priore. anno 1580 exusto monasterio cum alyis Confratribus exulare compulsus est ad aliam Domum vel forte Domos, et caeteris anno 1593 reversis credendum est quod et ipse reversus sit. anno equidem 1597 erat hic de conventu et conventualis sed non mansit hic diu nam ex Cartâ Capituli generalis anni 1599 videmus quod tunc erat in Domo Sylvae S. Martini incarceratus. Verba Cartae sunt articulo Sylvae S. Martini: Et D. Eustachius professus D. Capellae ibidem hospes, justis de causis alias per visitatores incarceratur, ad Domum suae professionis revertatur, ibique incarceretur propter minationem fuga, inobedientiam, et proterviam in superiores. Quamdiu hic in Carcere perseveraverit ignoramus. Signat cum alijs Conventualibus supplicam quandam 9^a July 1614 et videtur in Cathalogo viventium in hac Domo anno 1620. moritur autem 14 May 1620. Nullus hujus Domus professorum invenitur

hoc tempore qui praeter hunc in aliquo arguendus fuit, judicet Lector an in illum cadere possit illa accusatio R^m Dñi Cuycky de qua superius fol.

D. Michael Jensema monachus professus Domûs Lovany qui mortuo hujus Domûs Priore D. Hieronimo de Wydts mense septembri 1616 electione Conventualium electus est hujus Domûs Prior. de hac electione scribit Wallius: Conventuales Herinenses in locum defuncti D. Hieronimi elegerunt D. Melchiorum Charles Procu-
 e ratorum monialium Brugis professum D. Lovanij. Sed P^r Visitator noluit eum confirmare quia erat uilis et necessarius aconomus dictae Domûs, et non videbatur habere sufficientem Litteraturum pro officio Prioris; quamvis moniales praetendant se privilegium habere quo sibi invitis non possint subtrahi officiales. quidquid sit, ipse libens cessit
 18 electione de se facta, et R^{mus} Pater dedit rursus Conventui electionem quâ agrè satis electus est D. Michael etc jam aetate grandaevus et qui Prioratum in varijs Domibus gesserat, ut Lovany, Leodij et Buscoducis; quare D. van Emechoven ^{Con}visitator subridendo, multos annos ei precabatur. Haec Wallius. qui anno 1620 scribit: Hoc anno, ait, circa festum S. Joannis Baptistae venit Bruxellas D. Joannes Mel-
 deman Namuramus professus Majoris Cartusiae et ibidem Coadjutor quem Reverendus Pater cum D. Emmechovio Convisitatore post Capitulum gle dimiserat ut propiùs cognosecret de statu Provinciae. dissimulabat rem propter quam venerat et agebat cum quodam Comite de negotijs majoris Cartusiae et visitabat suos Parentes etc officiales Domorum ad quas divertebat, omnibus obsequijs illum excolebant itaut Reverendus Pater gratias per Literas egerit, quod Religiosum a se missum tam amicè tractassent. querelae autem publicae erant de D. Michaele Jensema Priore et D. Petro Lambrecht Procuratore quod sine requisitâ auctoritate Domum nostram Angiae reaedificassent, unde in Charta ^{huius} anni ~~presedentes 1619~~ ¹⁶²⁰ jam de illis querelis jam mentio facta fuerat per haec verba: Priori D Capellae ò fit mia et P.P. Visitatores sive alter eorum cum socio provideant super edificijs contentiosis nostrâ plenâ auctoritate. Pater ille Namuranus sine dubio haec retulit Reverendo Patri, nam scribit Wallius ad annum sequentem 1621, visitatâ Domo Bruxellensi 18^a februarij ab ordinarijs visitatoribus Prior D. Capellae Bruxellas adveniens vocatus a P^r Visitatore invenit se absolutum cum suo Procuratore ex mandato Reverendi Patris, eo quod contrâ Bullam summi Pontificis et Statuta nostra aedificassent Domum in oppido Anghiae, non habito consensu totius Conventûs, cujus potior pars scripsit desuper ad Illustrissimum Nuntium, qui Conventualibus rescripsit: ut primò scriberent ad superiorem ordinis et si ille non faceret justitiam, tunc suis partibus non defuturum.

LOM 112

2162

tek 2 nymilij terry

D. Michael (pergit Wallius) fuit Pater Venerabilis et Vir antiquis moribus nec panum spiritualis qui alijs quoque Domibus praefuit, in Domo Capellae familiam aliquot personis auxit; et quia senio premebatur, curam externorum in Procuratorem suum D. Petrum Lamberti rejecerat et permisit eum conceptam fabricam, utilem quidem sed non planè necessariam perficere etc. ambo hinc discesserunt reddito statu Domûs paulo antè quædragesimam. D. Michael obyt 9 Martij 1622, vixerat in ordine ultrà 52 annos, habuit in Carta Capli gls missam de B^a per totam ordinem. D. Petrus Lamberti factus Procurator est in Domo Lyrae.

D. Cornelius Eeckhaut Alostanus licet alibi sit professus potest inter hujus nostrae Domûs^{Domûs} professos numerari. Receptus est enim in hâc Domo a D. Judoco de Moor Priore et vestitus ab eo veste novitij in Festo S. Brunonis anno 1577. exactis hic in Novitiatu Decemmensibus et praevalentibus hic Haeticis, cum Religiosorum nostrorum quaedam pars fugeret 6^a Aprilis 1578. Litteris obedientialibus V.P. Visitoris ex hâc Domo ad Domum Ultrajectensem missus est D. Petrus de Leeuwis hic hospes prof^s D. Bruxellarum, et cum eo f^r Cornelius Novitius. exactis et in Domo Ultrajectensi Decem mensibus, compulsus fuit cum caeteris Conventualibus, praementibus ibidem et haeticis et illam Domum relinquere et se cum alijs ad Civitatem conferre, ubi in Domo Praepositi Cathaedralis Ecclesiae per annum cum dimidio habitarunt. inde missus fuit ad Domum Coloniensem, in quâ ordinante V.P. Visitatore post probationem sex Hebdomadarum fecit professionem nomine Domûs Ultrajectinae quod anno sequenti 1581 a generali Capitulo fuit ratificatum. Iverat ex hâc Domo Capellae ad Domum Ultrajectensem cum optimo Testimonio V.P. Visitoris, sui Prioris et omnium Conventualium hujus Domûs, de bonâ piâ ac religiosâ conversatione ejus, et antequam professus est presente D^m Andreâ Loots Priore D. Monachorum munitus erat egregio Testimonio Conventualium Ultrajectensium. Fuit novitus duobus annis et decem mensibus. factus est postea Procurator in Domo Monachorum, et Ultrajecti anno 1604. magna certè stabilitas et constantia in novitio. Obyt Hospes in Domo Diestensi Anno 1623.

(505) NLM 019

D. Joannes Roost Monachus professus hujus Domûs qui anno 1599 in Februario signat se hujus D. Sacristam et annis 1614 e 1615 signat se Domûs seniore. postea amplius nomen ejus non invenio, praecipuè in Cathalogo Conventualium anno 1620 non datur amplius, debet ergo ante hunc annum 1620 obiisse Calendarium nostrum habet obitum ejus 4 Martij.

(1747) (1748)
AN 152/157

D. Joannes Roost alter junior suprâ scripto in eodem Instru=
mento Conventuali cum altero sacristâ signavit omnium ultimus; vide=
tur ex ijs etiam hujus Domûs Capellae professus. Instrumentum est de
mense Februario 1599. Sed non invenitur nisi unus Joannes Roost
in Calendario.

D. Augustinus Raes Alostanus, professus monachus hu=
jus Domûs, qui etiam supradicto Instrumento subsignavit a° 1599
qui anno 1568 ivit ad ordines ad Montes Hanoniae et sacerdos factus
est Cameraci 1570, et per consequens cum alijs Conventualibus anno
1578 ex hâc Domo migrare coactus fuit. obitus hujus obsurè habe-
tur in Calendario. ex obitu Fratris ejus qui legavit nobis in Testa=
mento suo Redditum 6 Librarum et 12 Sol anno 1599, suspicor
hunc augustinum nostrum initio saeculi 1600 obiisse fuit aliquan=
to tempore in hâc Domo Sacrista.

~~Willel. Ch. H. 022~~

NIEUW

D. Jacobus Goossens Bruxellensis, monachus professus hu=
jus Domûs qui factus est hic Procurator defuncto D. Conrardo Graet
anno 1608, anno autem 1615 invenio illum hic sacristam et anno
1620 Carta Capituli Generalis mittit cum Hospitem ad Domum Dies=
tensem, ex Domo Lovanij ubi pariter erat Hospes. anno autem 1625
erat inde reversus nam senior scribitur inter hujus Domûs Conventuales
et obyt in hâc Domo 17 Januarij 1627.

Ch. H. 108

(1247)

D. Franciscus Boissart monachus professus hujus Domûs
ante ingressum ordinis Sacerdos saecularis receptus circa annum 1615
ino autem 1620 erat sacrista, deinde per Cartam Capituli gls anni
1624 mittitur Hospes ad Domum Gandavi, in quâ ultrâ duos annos
vix mansit nam subsignat in hâc Domo cum caeteris Conventualibus
11^a Marty 1627. obyt 5 July 1629. scribit de illo Wallius haec
verba: qui velut alter Paulus Eremita, flexis genibus ante lecticam
emisit spiritum.

Ch. H. 057

(655)

D. Josephus Cappon Insulensis, monachus professus in
hâc Domo in festo S. Luciae Virg^e et mart. 13 Xbris 1626. addendum
hic judicavi Testamentum ejus quod ante suam professionem fecerat.
In nomine Dñi amen. Anno millesimo sexcentesimo vigesimo sexto
die verò 12^a Decembris comparuit coram me notario publico et apost^s
et Festibus infrascriptis Dilectus et ingenuus D. Joannes Cappon, qui
renuntiare et abdicare saeculo proponens et exolvere se omnibus hujus
saeculis curis et rebus antequam in ordine Religiosorum Cartusianorum pro=
fessionem faciat, declaravit si hujus terranae substantiae habeat de quâ
disponere possit et valeat: Haeredem se generalem et absolutam omnium
instituere Dominam annam Leniel matrem suam, viduam honesti et

Ch. H. 167

(1889)

probi viri Danielis Cappon. Declaravit etiam praedictus D Joannes Cappon, mentem et voluntatem suam esse: ut de mille et octingentis florenis quos mater supradicti Dñi Joannis Domui professionis Cartusiae Herinensis dedit et mittet, Octingenti impendantur fundo seu Redditibus emendis, Trecenti reparationi unius Cellae, centum itidem Libris emendis, centum etiam vestibus et utensilibus, Trecenti autem solemnitati professionis et Primitiarum suarum, et reliqui Ducenti ornamentis Ecclesiae et ante omnia in emptionem sericarum cortinarum primarij altaris ipsius Chori. Quae omnia relinquit dispositioni et arbitrio R.D: Prioris dicti monasterij qui pro rei exitu poterit fideliter in supradictis agere et disponere. quae omnia R.D. Joannes voluit in omnibus et singulis exequi et compleri, declarans voluntatem et mentem ejus hanc esse. In quorum omnium fidem et Testimonium Ego Notarius publicus subsignavi praesentibus honorandis viris et Dñis Testibus ad hoc specialiter vocatis R^{do} Dño Hieronimo Milot Priore S^{te} Autberti et Andreâ Madril, anno et die ut suprâ. signatum Joannes Cappon, et infrâ sic attestor Joannes Ernault notarius publicus et Pastor Herinensis. S.H. Milot Andreas Demadril.

In suâ professione ut videmus assumpsit nomen Josephi. primitias suas celebravit circa festum S. Brunonis 1629.

Fundatio anniversarij D. Danielis Cappon Patris hujus etc in hâc Domo. Nous soussignez Conventuels de la Chapelle de Nôtre Dame de Herines, aiant entendu que Mademoiselle Anne Lionielles veuve de feu Daniel Cappon de Lille en flandres, nous offre an aumosne la somme de cinq cens florins de vingt patars la piece; a la charge qu' on donnera tous les ans a l' entour de la fete de S^{te} Lucie vierge qui est la jour de la profession de son fils nôtre Confrere Dom Joseph Cappon, au Couvent une bonne pitance de poissons et a chaque Pere une pinte de vin d' Espagne, et qu' on chantera semblablement tous les ans au meme jour une messe Conventuelle de Requiem, et chaque Prêtre dira une messe, non celebrants les sept psaumes de penitence cum Litanij pour l' ame dudit defunt Daniel Cappon ses parents et amis tant vivans que trepassez. Nous accordons et acceptons tant qu' en nous est pour nous et successeurs et promettons a la susdite Demoiselle qu' on le fera ainsi apres qu' aurons reccu l' argent. fait a Herines le 11 de mars 1627. Signè f Pierre Daems Prieur, f Robert de Belle vicaire f Judocus Fortius Antiq^f f Henrius Byl Procurator. f Franciscus Boissart. f Ludovicus Bourlart. f Balthasar de Wolff. f Joannes de La Motte, f Josephus Cappon. in ferius habetur: nous accordons la dite Requete. fait durant Le Chapitre general 1627 f Bruno Prieur de Chartreuse

Litera D. Ludovici Bourlart professi hujus Domûs V.P.D. Petro de Wal vicario Bruxellensi: de obitu D. Josephi Cappon. Quod D. Josephum Cappon, notum est illud B. Augustini: non potest mâle mori qui bene vixit; quod et in illo adimpletum est. tribus aut quatuor diebus ante mortem ad se plane reversus est et sicut in vitâ religiosissimus fuit, ita eet in fine ad extremum usque spiritum, susceptis omnibus miâ devotione et fervore Ecclesiae sacramentis talis permansit. ante ingressum ordinis vocabatur Joannes et non tantum humanioribus sed Philosophiae operam dedit Lovanij et Magisterij gradum ibidem adeptus est, nec non Theologiam extremis labyt degustavit. con=

temptis divitys et facultatibus quae amplissimae erant, in Domo hâc Capellae receptus fuit cum frustrâ Lovanij locum periisset et ita vixit ut omnibus admirationi fuerit. Nunquam verbum inutile a professionis suae die protulit sed semper de Deo rebusque pijs loquebatur et hoc cum tanto fervore ut lachrymas ex proprijs oculis aliorumque eliceret. Nunquam silentium fregit, divinis ita intentus fuit, orando meditando legendo: ut P. Prior coactus fuerit ei officium subsacristae injungere, semperque Ecclesiam, sacella, parvum Claustum solus verrebat; ijs que nihil obstantibus, Religiosis simul laborantibus vocatus, semper aderat et paenè ultrâ vires illis suam operam impendebat, sed absque ullâ colloctione nisi fortè de spiritualibus sermo occurrisset. Nunquam visus est iratus, vel in minimo adversus aliquem commotus. meo iudicio non errant qui dicunt ex nimia animi intentione cerebri laesionem incum posse et inde mori posse. Dum officium subsacristae exercebat, maxime sollicitus erat, et ut Conventum excitaret non dormiebat vel saltem securè: quod autem caret alterâ requie durabile non est. dixit quidam Bertrandus Cale Clericus viridis vallis) quod unus spiritus septem corpora destrueret. ex mentis alienatione tredecim vel amplius diebus permansit absque cibo et potu, quare superiores dederunt illi famulum qui illum custodiret atque coram ipso comederet et sic invitaret ad esum; cum quo servabat silentium et non sumpsit panem nisi ad olfaciendum. horâ mortis appropinquante plenos recuperavit sensus et petyt sibi ministrari sacramenta, quae cum negaret P^r Prior ex eo quod non obediret illi cibos sumendo; dixit paratum esse in omnibus obedire quantum possibile esset, et tentavit comedere sed non potuit deglutire sed jam meatus erant interclusi et tandem in pace quievit adhuc juvenis D. Petrus Daems Prior suscepit cum ad ordinem, et diu cum rexit et habebat cum pro viro verè sancto et perfecto sicut aly multi. Septem plus minus annis vixit in ordine. obyt 6^a Marty 1631.

D. Robertus van Belle Binchiensis Monachus professus hujus Domûs anno 1577 qui sequenti anno 1578 propter haereticos cum alys Conventualibus hanc Domum deserere coactus fuit missus ad aliam et securiorem Domum. erat industrius Tornator et huc reversus Procurator diversis vicibus pecunias recepit ab illis quibus ex ejus operibus quaedam presentaverat, et anno 1598 summam quandam ab abbate S. Autberti pro caveâ ad includendam in eâ avem ab illo recepit, quas sic receptas pecunias portat in annuo Computu Domûs. Anno 1606 erat in hâc Domino vicarius, et mense novembri 1609 in visitatione absoluto D^s Adriano Dorpio hujus D Priore et Convisitatore Provinciae per Plenipotentianrios Patres Reverendi Patris Generalis cum data fuisset electio Conventualibus in quâ non concordarant, hic D. Robertus vicarius, ab illis nominatus est hujus Domûs Rector et sequenti anno 1610 per Cartam institutus est Prior. hanc tamen Praesidentiam diu non tenuit, nam Cartâ Capituli gls anni 1614 a Prioratu fuit absolutus. Anno 1615 sequenti supplicae subsignavit presentatae a Conventualibus hujus Domûs Reverendo Patri et

(2537)

UM 212

Capitulo Generali : quoad missam De Behault.

Reverendo Patri Priori majoris Cartusiae, totiusque Ordinis Cartusiensis
Ministro generali

Exponunt cum omni reverentiâ et humilitate Prior et Conventus Cartusiae
Capellae B^a Mariae propè Angiam: quod ex virtute et tenore cujusdam Contractûs
olim ante annos circiter 87 initi, inter Priorem et Conventuales ejus temporis; et
honorandum virum Joannem de Behault Montium Hannoniae incolam: obligati
sint ad celebrationem quidianae unius Missae in perpetuum, ob certam septingen=
torum viginti florenorum summam, tunc eisdem numeratam; quam ex eodem con=
tractu cujus est hic annexa Copia constat fuisse consumptam in quibusdam debi=
tis quibus tunc domus gravabatur persolvendis, necessarijs que provisionibus or=
dinarijs coemendis cum intentione tamen impendendi in futurum, quando uberi=
ores suppetere facultates similem summam in comparandis Redditibus an=
nuis pro securitate ejusdem foundationis: quod nihilominus nunquam factum
est, quare missarum numerum venerandus P^r Hercules hujus Provinciae Teu=
toniae non ita pridem Visitor, ad quatuor singulis septimanis redegit. quod
onus tamen adhuc satis molestum et grave sentientes ob Religiosorum pauci=
tatem et quo immerito se gravari quandoquidem nullum ex inde pereipiunt
emolumentum censent se posse conqueri, supplicant humillimè ut cum auc=
toritate et permissione R^{dae} vestrae Paternitatis et benignâ dispensatione su=
per obligatione praefati contractûs eidem liceat eis supplicantibus satisfa=
cere per missam privatam de B^a Mariâ quae ex ordinis more legitur; quan=
doquidem nulli hujus Domûs Benefactori adhuc dicta est; additâ oratione
propriâ Inclina in plurali pro Fundatoris intentione orabuntque pro felici
prosperitate R^{dae} P^a Vestrae f^r Hieronymus de Wydts Prior f^r Adrianus Dor=
pius vicar^s f^r Joannes Roost senior f^r Jacobus Goossens pro et sacrista
f^r Robertus de Belle ejusdem Domûs professus f^r Augustinus van Doren prof
ejusdem D^o f^r Petrus Lamberti Proc, f^r Judocus Fortius professus.
infra : committimus Patribus Visitoribus ut nostrâ autoritate provide=
ant supplicantibus. Cartusiae sedente Capitulo 1615 f^r Bruno prior Cartus
Et inferius: Juxta auctoritatem nobis concessam, consideratâ Domûs neces=
sitate, supplicantium petitioni libenter annuimus. Datum in Cartusiâ Do=
mûs Capellae in actu visitationis ejusdem 8^a 7bris 1615 f^r Jacobus Dionysius Prior
Cartusiae Gandensis. f^r Van Emechove Prior Cart^o S. Sophiae, Visitatores provinciae Teu=
toniae. Nota: descripsi suprascripta sicuti originaliter jacent.
Anno 1619 defuncto hujus D. vicario D. Dorpio, hic D. Robertus iterum fuit
institutus vicarius in quo officio perseveravit ad mortem usque quae illi
venit 9^a Marty 1634 postquam 58 annis laudabiliter vixisset in ord.

D. Franciscus Schotte Bruxellensis, Monachus prof^s Domûs Lo=
vanij qui absoluto D^o Michaele Jensema Domûs hujus Priore cum suo Pro
curatore D^o Petro Lambrechts de mandato Reverendi Patris 18^a february
1621, a Conventualibus hujus Domûs electus est Prior, vir (teste Wallio) ad=
modum pius et religiosus: quam electionem Carta Capituli generalis anno 1622
confirmavit. Sed anno 1625 per Cartam ejusdem Capituli ad Prioratum Domûs
Lirae fuit translatus eet hic Prior positus D. Petrus Daems de quo infrâ. Obyt

(697)

Lo 1641

D. Franciscus Schotte Prior in Domo illa Lyrae 19bris 1639.

D. Fredericus koegelkenius Westphalus a Wildeshausen Monachus professus hujus Domûs. vestitus veste novitij 9^a 7bris 1618 aetatis 31 annorum, 5 July 1620 suas primitias celebravit. Anno 1624 in martio ex hâc Domo missus est Lovanium anno 1626 Lovanio missus est ad monachos Brugae, et inde per Cartam Capli a^o 1627 missus est hospes ad Domum Ruremundae Provinciae Rheni: cujus Domûs Prior ab anno 1629 inaecepit a nobis pecunias exigere pro expensis ejus, quas tandem anno 1631 cum incidisses in magnam infirmitatem, solvimus cum 500 Libris Turonens. Infirmitatem suam et convalescentiam suam describit in quodam antiquae impressionis Diurnali quod hic habemus his verbis: 3^a 9bris A^o 1631 ego f Fredericus melius valere caepi per intercessionem S. Caroli Borromaei quem ab illo die colere et invocare proposui, uti omnes ad hortor Infirmos ut illum sanctum quotidie miracula adhuc facientem invocetn, honorent et colant. in fine scribit orationem S^{ti} Hugonis Lincolniensis Episc quam in extremis effudit: et N B Stude vilibus escis, vestes amplectere abjectiores, operi manuum devotus insiste, submissus et humilis esto: hoc mandatum B^{ae} Mariae est servandum a Religiosis. Anno 1632 huc erat reversus sed non permansit nam video quod anno 1639 in Januario Currus noster illum iterum de Domo Gandensi ad hanc Domum reduxerit; in quâ tandem obiit 18 Decembris 1640. Adjicio quae habet de hoc D. Frederico Wallius dum anno 1627 per Cartam missus fuit ad Domum Ruremundae; D. inquit Fredericus tardè obedivit et aegrè licet nuntium apostolicum adient, sed patientiâ P^r Visitoris superatus tandem Ruremundae se contulit.

(709) chm 065

D. Robertus de la Fosse Tornacensis Monachus professus hujus Domûs Capellae circa annum 1626; nam 20 Octobris 1629 postquam gradatim ad sacros ordinis promotus fuisset, cantavit primam suam missam. in mense augusti 1637 per Litteras obedientiales fuit missus ex hâc Domo ad Domum Diesthenij ex quâ per Cartam general Capituli anno 1639 huc remissus fuit et permansit ad mortem usque quae accidit 9 februarij 1647.

(2548) chm 213

10 D. Ludovicus Boulart Binchiensis Monachus in hâc Domo professus circa annum 1618, qui non videtur loco mutasse nec ad aliam Domum fuisse missum sicut passim legimus tunc temporis fuisse usitatum. obijt 20 augusti 1649. Emisit in lucem: schema de vanitate mundi et brevitate vitae hominis impressum Montibus hanoniae apud franciscum Wadraeum 1632 scripsit et etiara metricè de illustribus viris sua Domûs

(2045) chm 184

D. Augustinus van Doren Antverpiensis Monachus hujus Domûs, professus circa annum 1602, qui S. Ordines suscipiens Cameraci Diaconus factus est anno 1605 in 7bri et postea Sacerdos. placuit autem conversatio ejus Patribus Commissarijs plenipotentarijs de quibus supra nam anno 1609 hanc Domum visitantes in mense novembri et ut vidimus Priorem et Procuratorem qui erat D. Jacobus Goossens absolventes, hunc

(277) chm 22

D. Augustinum instituerunt Procuratorem in quo officio licet per Cartam Capituli anno sequenti fuerit confirmatus tamen diu non haesit, nam anno 1613 et forte prius hic Procurator erat D. Petrus Lambrechts. Anno 1623 per similem Cartam Capituli generalis missus fuit ad Domum Leodij et inde ad Domos Trevirenses et Colonienses pro (reflectit Wallius) taedio suo sublevando, et solvimus Prioribus Domorum istarum cuilibet 48 Libras reversus è domo Coloniensi ad hanc suae professionis Domum, non diu hic mansit, nam per Cartam Capituli 1627 iterum emittitur ad Domum videlicet monachorum Brugis unde per Cartam 1629 rursum reversus est; et signavit se in quodam hujus Domûs instrumento, antiquiorem Domûs; sed brevi post denuò ambulandi forsàn causâ missus est ad Domum Diesthemij ex quâ tandem ad maternum gremium reversus est per Cartam anno 1635 amplius non migraturus nisi ad alteram et aeternam mansionem, ad quam pervenit 26^a Marty 1653 antiquior tunc Domûs qui ultra 50 annos vixerat in ordine.

D. Petrus Daems Antverpiensis professus Domûs Lirae
Hic per suos Parentes et Amicos Reverendum Patrem Generalem circa annum 1620 sollicitaverat ad habitandum in majori Cartusiâ promittentes expensas ipsius solvere quamdiu ibi degisset; tandem accepta ad hoc licentiâ et Litera obedienciali Revⁱ Patris hoc anno hinc discessit. adveniens autem in Cartusiam assignavit illi Reverendus Pater Magistros qui melius eum formarent in cantu et caeremonijs ordinis. post paucos annos R^{ds} Pater qui erat D. Bruno d' Affringues misit cum vicarium ad Domum Vallis S^{ts} hugonis quod officium adhuc gerens anno 1625, misso per Cartam capituli gls D^o Francisco Schotte Priore hujus Domûs Capellae ad Prioratum Domûs Diesthemij^{Lirae}, D Petrus Daems institutus est hujus nostrae Domûs Prior. sub hoc Priore anno 1627 sequens supplica presentata fuit Revendissimo Patri nostro Generali a Dño Joanne Ernault Pastore hujus Pagi nomine Communitatis Herinensis.
Reverende Domine Prior. Aliquot praeteritis ab hinc annis caepta fuit restaurari anterior pars Capellae B^{ae} Virginis Monasterij vestri herinensis, prout fabrilia ligna ad opud illud incâdem Ecclesiâ aptata testantur. Patres interea illius temporis, quo consilio ducti nescio, partem fabrilium lignorum in usum structurae illius ex opposito majoris portae vestrae impenderunt hâc lege et promisso; ut si suo tempore aedificium Capellae perficeretur, se tantumdem vel aequivalens reddituros. Quia in erectionem tam pij quam necessarij operis plaerique beneficium satis liberale contulerunt, abbas inprimis Camberonensis selectissimas aliquot suarem Sylvarum quercus donavit. fecit idipsum Rev: Abbas S^{ti} Autberti Cameracensis, nec inferior in hâc liberalitate exhibendâ fuit nobilissimus Princeps noster (piae memoriae) D. Comes d' Arenberg pietate motus erga B^{ae} Virginis Capellae honestissimum et pijssimum aedificium, eoquod ruina haec maximè dehonestaret monasterium hoc vestrum Cartusiarum quâpropter obnixè rogamus ut ad Dei opt. max. gloriam et B^{ae} Virginis honorem, ac Monasterij decus

(2357)
ALV 210

et ornamentum hanc Capellae partem restaurari faciat; quo facto, obloquentium hominum saecularium loquacitatem, qui interdum sive in processionibus nostris duabus, sive in Concionibus audiendis sub dio residere coguntur) obmutescere facietis. Hoc unum optat et precatur Dñs Joannes Ernault Pastor Hereinensis nomine suae Communitatis supplicans etc. Infrà scriptum est: Conventus praefatus satisfaciat primà suà opportunitate. Cartusiae sedente Capitulo 1627. f. Bruno prior Cartusiae.

Anno sequenti 1628 Ecclesia anterior aedificata, fuit operta scalijs, simul numero 47500 et constarunt cum opere 567 fl: 16 assibus et circa hujus anni finem antiqua Cella Procuratoris quae pariter a Geusijs combusta fuerat, aedificata est et operta scalijs.

Anno 1629 venit Carta Capli per quam D. Petrus Daems ex prioratu domus hujus translatus est ad Prioratum Domus in Zeelhem et successor ejus nominatus fuit D. Laurentius Serjants Prior Zeelhemensis de quo infrà. de Hoc D^o Petro scribit Wallius: iste venerabilis Pater hanc Domum Capellae multum reparavit ac picturis et supplectili decoravit atque novim Ecclesiae per Geusios destructam tegere incepit, imo textit. obyt 13 July 1653. Ante obitum tamen suum A^o 1632 a Prioratu D^o Diesthemij^{Zeelhem} per Cartam absolutus, remissus est ad Domum Ripaliae unde venerat, ex quâ sequenti anno 1633 iterum per talem Cartam ad hanc nostram Provinciam remissus fuit ut Prior D Antveriae.

D. Adrianus Buycx Welpius professus Monachus hujus Domus ad quam venit circa annum 1615. Initio anni 1621 abso-
luto D^o Lambrechts hujus D Procuratore, factus est in hac Domo Procurator, sed post tres annos per Cartam 1624 ex Procuraturâ hâc missus est ad Domum S. Sophiae Procurator. D. autem Schotte Prior hujus D. cum vidisset in Cartâ: Et Prior provideat sibi de alio Procuratore, elegit sibi D^m Henricum Byl conprofessum suum D. Lova-
niensis, qui tamen Procuraturam non tenuit nisi ad annum sequen¹⁶²⁷
~~tem~~ cum vidit in Cartâ, articulo D Sophiae: Et D. Adrianus Buycx ibidem Procurator, revertatur ad Domum Capellae suae professionis et ibi exerceat idem officium Procuratoris. mansit autem hic Procurator usque ad Cartam Capituli anni 1632 quâ factus est Prior D^o Diestensis inde anno 1635 translatus per Cartam ad Prioratum D. Sylvae S. Martini unde post quinque annos per Cartam Prior factus est Domus Gandavi 1640, ultimo deinde loco, per Cartam 1642 missus est Prior ad hanc ejus professionis Domum Capellae. hic anno sequenti a fundamentis aedificavit aedificium in areâ anteriori quam Domum lactis appellamus ubi carnes a Domesticis preparantur et manducantur et cum hoc eodem anno villa nostra de Cromrycke casu fortititò ad solum usque a voracibus flammis fuisset consumpta 13^o Augusti, materiam et hanc reaedifandi habuit. cum solertissimo suo Procuratore D^o Baltasaro de Wolf cujus egregia aedificia infra suo loco videbimus. Anno 1650 sub illo Chori nostri Testudo facta

✓ (26) 1617-1652

est quod opus constitit absque virtualibus et pegmatibus 400 florenis semel anno 1653 facta est Antverpiae Tabula summi altaris in nostro Choro a M^{ro} Joanne van Houbraken pictore majus altare verosimiliter immediatè antea constructum fuerat. Domum hanc plurimum auxit bonis imo optimis Religiosis inter quos egregius D. Pecquius fuit quem et habet successorum obijt autem D. Adrianus optimè meritis in hac Domo 30 Octobris 1654. inveni alicubi quod fuerit Provinciae hujus aliquo tempore Convisitator quod melius postea examinandum.

D. Laurentius Serjants Monachus professus D. Lovanij ex Prioratu quem exercebat in Domo Diestensi, ad Prioratum hujus Domûs Capellae transfertur per Cartam Capituli nostri generalis anni 1629 quo anno Familia nostra consistebat incluso Priore in quatuordecim monachis inter quos duo Hospites. Anno 1637 Prior noster factus est Convisitator Provinciae quod tamen non mansit nisi tribus annis Hic est Prior qui inter alios varios in hac Domo recepit ad ordinem Antonium Pecquium filium defuncti Cancellarij Brabantiae qui professus est circa ultimam aprilis 1633, de quo plura inferius. per Cartam Capituli generalis anno 1642 a Prioratu domus hujus D. Laurentius ivit ad Prioratum Domûs Gandavensis et D. Adrianus Buycx professus noster qui Gandavi Prior erat translatus est ad Prioratum hujus Domus suae professionis. Prior hic absolutus D. Laurentius 3^a July antequam hinc discederet reddidit statum hujus Domûs, in quo videre est quantum bonus hic Pater pro hac domo fecerit tempore sui prioratûs. Ex illo statu in lingua nostra flandricâ scripto exscripsi quae sequuntur. primo emit 201/2 Jornalialia Terrae et Sylvae pro quibus solvit 3476 florenos, deinde recepit pro Ecclesia quae sequuntur. van de moeder van H^r Joseph Cappon 50 gls. van M^r Van Helleweghen 30 gl van den Aertsbischoep van Mechelen voor eene venster in den clynen pandt 50 gl van Jouff. Isabelle Pecquius 50 gls van den Baillu van Beveren Hendrick Cogen 25 gl van H^r Niclaes Francq proost van Vorst 25 gl. van frere Michiel stervende my overgegeven 26 - 10 van frere Pier 91 guld. Item van wegghen frere Pier noch ontfanghen 900 gls om daer voor te doen maken een autaer kleet en silvere Canelaeren. Item is ons gelegateert by Testamente van Mevrouw Anne de Croij Hertoginne van Aerschot tot maecken van eenen gauden Celck 1000 gls ex ijs pecunijs fieri fecit et solvit: voor een Silveren Becken met 2 Silvere ampullen op de canten vergult 120 = 0 voor eenen Silveren vergulden kelck ----- 145 = 0 voor eene Silvere doose om de hostien in te leggen ----- 40 = 16 voor eene Silvere vergulde Remonstrantie ----- 386 = 16 voor de Custodie van de Selve Remonstrantie ----- 11 = 6 voor een Silvere Reliquatre ----- 10 = 0 aen M^r Joachim Silversmit tot Brussel voor 6 Silvere Cendelaers ----- 1230 = 0 aen den selven voor t' maecken van 2 Silvere vergulde kelcken die gemaect syn uyt het legaet van Anna de Croij van 1000 gls ----- 358 = 0 Item voort maecken van den derden kelck waer van de cuype en patene gaut 650 = 0 Item soo heb ick noch doen maecken 4 Silvere vergulde kelcken en een Silvere

(2004)
LOM 107

Cruys om in de processie te dragen en op Rekeninge gegeven ----- 857 = 15
 Item in volle betalinghe daervan ----- 263 = 19 $\frac{1}{2}$
 voor 3 gelase vensters samen ----- f 4073 = 12 $\frac{1}{2}$
 in den clynen Pandt f 108 = 0

Voor ornamenten.

Voor 14 Ellen Silvere Laecken met gaude Bloemen a 26 guld d' elle ---- 364 = 0
 14 Ellen wit Damast met gaude bloemen a 18 guld d' Elle ----- 252 = 0
 58 Ellen groen armeyn a 3 = 10 d' Elle ----- 203 = 0
 80 Ellen groen seyen Damast a 3 = 15 ----- 300 = 0
 30 Ellen wit seyen Damast a 3 = 0 ----- 92 = 0
 2 Ellen wit seyen Damast met gaude Bloemen a 11 gl d' Elle ----- 22 = 0
 20 Ellen Silvere laecken voor O L. Vrouwe Capelle ----- 280 = 0
 f 1513 = 0

Obyit hic V. Pater de domo hâc tam egregiè meritis j aprilis anno 1655
 habuitque in Carta Capituli generalis anni sequentis plenum cum Psal= terijs Monachatum et missam de B^a Maria per tot ordinem.

D. Jacobus Cobergher Monachus hujus Domûs, vestitus 15 no= vembris 1647 et professus 17^a novembris 1648, filius Dñi Wenceslai Co= bergher dum viveret Dñi de Groenlandia et feudorum ibidem situatorum in Moers in Westflandriâ, super Intendentet item Montium pietatis hujus Pa= triae; et D^{es} Susannae Franquart. qui Domui huic benè admodum fecerunt in pecunijs insuper ille in suo Testamento dedit 240 florenos pro Calice. ordinavit et summam ad instruendam et ornandam Cellam quae ut ex Pic= turâ illâ quae in illa Cella est, et in oratorio est Cella angularis supe= rior notata Litterâ sed bonus ille Pater diu non vixit in ordine nam ad aeternam vitam vocatus obyt 7 marty 1656.

(1225) Ch 17105

D. Joannes Delmotte Binchiensis Monachus hujus Domûs professus circà annum 1623. Non videmus quod missus unquam fuerit ad aliam Domum Provinciae sed hic stabilis semper permanserit. Obyit autem 1656, 29^a 9bris.

V (1650) Ch 17150

D. Bruno Ghyssels Bruxellensis, Monachus hujus Domûs et in illâ professus 8^a augusti 1629: qui antea vocabatur Arnoldus. Anno 1637 ab hâc Domo in Augusto missus fuit ad Domum Lirae unde per Cartam Capituli 1639 mittitur ad Domum Lovanij. quo autem anno vel tempore Domum sit reversus non constat, obijt 16^a aprilis anno 1661.

(399) Ch 17034

D. Jucodus Stercke aliàs Fortis, Angiensis Monachus professus in hâc Domo Capellae circà annum 1610. qui ut videtur semper in hâc Domo fideliter et constanter mansit. Signat Chartam Ca= pituli nostri generalisvel ejus copiam anno 1638 ut vicarius hujus

(1967) Ch 17177

Domûs, quo in officio perseveravit ad obitum usque 15^m scilicet maij 1661 post quam 51 añ laudabiliter vixit in ordine.

D. Joannes van der Marien Monachus hujus Domûs professus circà 1660 quod supponimus quia primitias suas celebravit 4^a Octobris 1662. Non diu autem vixit in ordine obyt nam que 23 july anno 1666.

(1860) Ch 17164

D. Balthasar de Wolf dictus Lupus Teneramundanus Monachus hujus Domûs professus anno 1620. Primitias suas celebravit in augusto 1624 et sequenti anno factus est sacrista cum per Cartam Capli A° 1632 D. Adrianus Buycx hujus Domûs Procurator factus esset Prior in Domo Diestensi, D. Balthasar ex sacristâ factus est Procurator in quo laborioso officio, summo Domûs hujus bono perseveravit ad annum usque 1658 per viginti scilicet annos^{quinque} annos: nam mense martij 1658 misso D° Petro Antonio Pecquio hujus Domûs Priore ad Prioratum Domûs Valencenarum, D. Balthasar Conventualium electione constitutus est hic Prior et a Capitulo generali sequente confirmatus. Initio sui Prioratus non vidit nisi hic bellorum calamitates et ruinas, Rusticos vininos ad se suaque animalia grana etc conserenda ad hanc Domum confugientes quibus mediante contributione varia monasterij loca elocabat ad tempus, varios interea ac inter illos egregios Juvenes ad novitiatum recipiens et professione monasticâ huic familiae adscribens, a quibus non paucas pecuniarum summas in eleïmosinam accepit. Anno autem 1661 jussit per architectum nomine Jan du Can Edificij novi Ichnographiam exarare, quam munitus approbatione conventualium et P.P. Visitorum ad Capitulum generale ascendens ostendit illi et Reverendo Patri, unde et approbationem et consensum reportavit. Initio anni 1663 capit antiquam Culinam et alia aedificia antiqua destruere quae locum novi Edifij construcendi occupabant, et 16^a Marty D. Melchior Pletincx Procurator primum posuit ex eo lapidem. aedificavit autem gravem illam variorum aedificiorum molem quam videmus, scilicet caveas Culinam cameras pro Hospitibus et fratibus ambulaera etc spatiosa et commoda cuncta. Turrim quoque pro Horologio et in anteriori parte aedificij Frontispicium satis superbum (quod fatemur) omnia autem incepta complevit, et constitit totum hoc opus in numerata pecuniâ 16396 fl: et 18 stufferis. Solvit ulterius cuidam Latomo dicto Richart ex Escaussinnes 17 July 1665 quadraginta Libras pro sculpendis armis D : Ducis Arembergi, quas in frontispicij altiori parte poni jussit. fecit quoque Testitudines amborum Chororum et possessiones nostras varijs terrarum Bonarijs acquisitis auxit et anno 1666 pingi fecit Antverpiae^{Bruxellis} Tabulam altaris S. Brunonis per pictorem J.B. van Heil et alias parvas quo anno iterum grave hic exarssit Bellum et coacti fuimus praetiosa nostra Bruxellas ducere et vicinos Rusticos etc iterum in hanc Domum ad

(285) Ch 17023

mittere. combustum Horreum et cetera in Cromrycke incaeperunt reaedificare anno 1669 quo mortuus est D. Balthasar die 12^a aprilis de hac morte sic scribit in suo Registro Procurator D Pletincx: obyt D. Balthasar de Wolf vir aconomus Teneramundanus, Prior et alias Procurator hujus Domûs, sub quo multa aedificia sunt constructa, omnes camerae Hospitum, culina et caetera aedificia, tota vaccaria, Tesudo Chori Monachorum et Donatorum, multa immobilia empta, Cellae Religiosorum reparatae. obyt bonus Pater septuagenorius R.I.P.

propter majus aedificium et praecipuè propter Frontispicium passus est ab uno vel altero Monachorum magnos contradictiones; nam scriptum quoddam satis extensum ad mè a V.P. Priore Lirano missus est, quo videtur quasi ad Illust^m Nuntium desuper appellatum fuisse. in hoc scripto non solum nos accusamur super illa superbâ aedificatione sed et Patres nostri Leodienses, imo Patres nostri Lirani et Lovanienses super ornatu sedilium suorum in Choris suis. sed nihil cum hoc scripto videntur effecisse. aliquâ reprehensione dignum videtur quod in frontispicio poni permiserit bonus Pater illa verba: me Lupus aedificat. vera causa ignoratur ab quam in Frontispicio posuerit arma Ducis Arembergij a quo omnino nihil acceperunt, vero similiter putaverunt aliquid ab eo in recognitionem recipere ut aedificium perficerent, quod imperfectum ab una parte remansit; vel forsan etiam propter murmur supradictum Religiosorum, non perfecerunt illud.

D. Servatius Doers Monachus professus hujus Domûs circa 20^m 7bris anno 1662 nam anno praecedenti 1661 erat hic novitius ordines sacros suscepit Bruxellis 16 feb: 1663 etc anno autem 1665 missus est ex hâc Domo hospes per Cartam Capituli ad Domum Lirae, unde post biennium ad hanc suae professionis Domum est reversus. et nondiu post vicarius hujus Domûs factus est, in quo officio vix per biennium perseveravit, obyt namque 8 septembris 1670.

(2580) Ch M 217

D. Paulus Justus de Weese Monachus hujus Domûs professus circa annum 1635 nam in 7bris 1637 ivit ad ordines verosimiliter ad Presbyteratum quia anno 1638 ad Domum Lirae fuit missus per Cartam Capituli gls. in illa Domo permansit hospes usque ad Cartam 1656, quâ ad hanc suae professionis Domum fuit remissus post ^{tot} annos residentiae in Domo Liranâ in quâ ultimo anno sacrista factus fuerat. huc autem reversus factus est sacrista quod officium exercuit ad mortem usque antiquior Domûs, obyt autem 15 7bris 1677.

(2302) Ch M 203

D. Franciscus Giathensysen Mon. prof hujus D^s nondum promotus Hic habetur in Carta Capl anni 1677 quem tamen nec Calendarium habet, nec notae meae circa haec tempora. quia errorem in Carta suspicari non licet, ideo illum praeterire non potui. unicum quod invenio est in computa Domus reddito

(669) Ch M 060

anno 1679 ubi dicitur Recepimus a D. Francisco presbytero in suâ vestitione ad computum 18 Libras si erat Presbyter, erat ergo promotus. quidquid de eo sit, hic ponitur.

D. Andreas van Langenhoven Monachus hujus Domûs professus mense Decembris anno 1645 fuit factus postea sacrista que praecisè tempore non invenimus. obyt autem 22^a Januarij 1679.

✓ (147) Bx 12008

D. Petrus Antonius van Pecque alias Pecquius ^{Bruxellensis} Monachus hujus Domûs in quâ ad novitiatum est receptus a D^o Laurentio Serjants Priore anno 1632 et professus est anno sequenti 1633 in fine mensis aprilis, nam 28^o mensis hujus fecit suum Testamentum jam jam profiteri intendens in hoc Testamento relinquit huic Domui aut Domibus in quibus in ordine postea mansurus erat Redditum 200 florenorum annuè pro emendis ornamentis ad Ecclesias vel altaria. Tunc succedentibus annis sacros ordines suscepit et initio anni 1642 ex hâc Domo vicarius missus est per abedientiales P. Visitoris ad Domum Bruxellae: et per sequentem Cartam confirmatus. deinde in illâ Domo Bruxellensi factus est Coadjutor donec per Cartam Capituli gls anno 1652 super Candelabrum positus missus est Prior ad Domum Diestensem. defuncto autem hujus Domûs Priore D Adriano Buycx 30^a Octobris 1654 et datâ electione Conventui noster D. Pecquius electus hic Prior est et anno sequenti per Cartam Capli confirmatus. tunc anno 1656 pingi fecit ab Excellentissimo Pictore Gaspere de Crayer Tabulam Altaris S^{te} Annae pro quâ solvit 220 florenos. circa finem anni 1657 vel initio anni sequentis 1658 per obedientiales Literas Reverendi P. nostri Generalis ex hâc Domo missus fuit ad Prioratum Domûs Valencenarum et data fuit hic Conventualibus facultas eligendi sibi novum Priorem quod fecunt eligentes D. De Wolf qui fuit in Cartâ 1658 confirmatus. ab illo Prioratu Domûs Valencenarum translatus est ad Prioratum Domûs Antverpiae per Cartam anno 1664 in quo per bienium tantum mansit nam inde translatus est ad Prioratum Domûs Lirae per Cartam anni 1666. Convisitor hujus Provinciae designatus est per Capitulum gle anni 1668 et pricipalis visitor per Capitulum gle anni 1672. In hoc officio moritur in Domo Lyrae 19 Decembris 1679. supra scriptis lucet hic adscribere quae de hoc excellenti viro scripsi in Cathalogo Priorum hujus Domûs Capellae scilicet: D. Petrus Ant. Pecquius claris ortus parentibus Patre nimirum incomparabili viro D: Petro Pecquio Brabantiae Cancellario, matre pyssimâ feminâ D. Barbara Maria Boonen Archiepiscopi Mechliniensis sorore. huic aepplcamus ut paucis hunc Priorem depingamus illud Ciceronis: nullum monumentum clarius relinquere pater potest, quam effigiem morum suorum, virtutis, constantiae, pietatis, ingenij, filium. Tale parentibus suis gloriosum monumentum Pecquius noster fuit: qui licet Prioratûs et Visitoris officijs ad finem usque vitae gravatus, ita studijs se occupavit ut in quinque Domibus in quibus praefuit, rarus liber sit, quem doctissimis ubique notis ac observationibus fusè non illustrarit. Tanta nitidissimo Characterè et pulcherrimo, elegantissimoque stylo scripsit,

(2465)
in 17209

ut si sic ubique sparsa in unum colligi possent, varia efficerent volumina pyssimi ac doctissimi operis. Visitoris officio fungens elegantissimas Visitationis Chartas in Visitatis Domibus composuit et reliquit. ex his judicamus Pecquium nostrum, magno Bibautio si non majorem equidem in scientiâ non inferiorem.

D. Nechelput Monachus hujus Domûs professus anno 1648 sub D. Adriano Buycx hujus Domûs Priore qui ad prioratum hujus Domûs pervenit anno 1642 et obijt in illo 1654 quod praenotandum judicavi, quia manu hujus Prioris scriptum inveni prototypum unius Literae destinatae ut apparet V.P. Visitori hujus Provinciae ^{consignadie} Littera haec continet quod hic sequitur. R^{me} Pater, de fugâ et apostasiâ Confratris nostri D. Nechelput quae nos omnes vehementer contristavit, et de ipsius ad nos resitu qui nos iterum laetificaverat venerandus P. Visitor jam a mense aut circiter R^m P^m vestram plenè informavit. receptus itaque reconciliatus et incarceratus satis laudaliter se gessit et non exigua verae ut videbatur paenitentiae indicia praebuit quotidie suspirans et replicans se divinam super se misericordiam veraciter agnoscere et si perpetuo carceri mancipari deberet, se id bene meritum esse etc^a porrò haeretici Civitatis Hulstensis ad quos confugerat ex ipsius fugâ turbati et exacerbati, voluerunt sibi satisfieri pro vestibus dicto fugitivo datis et expensis omnibus ibidem factis, minantes graviter nisi id fiat R^{do} D^o Decano Hulstensi alysq^{ue} Ecclesiasticis et Catholicis circâ illas partes morantibus. est autem Hulstum Civitas Flandriae Diocaesis Gandavensis vix 5 Milliaribus Gandavo dissita ante paucos annos ab Hollandis occupata, in quâ et circâ quam maxima Catholicorum multitudo etiamnum commoratur. Cogente igitur R^{mo} D^o Episcopo Gandavensi, ego infra hebdomadam Pentecostes evocatus Gandavum, aliquot diebus ibidem haerere compulsus, conferentiâ cum dictis Haereticis ultro citroque habitâ; tandem negotio composito, feriâ 3^a post Dominicam S.S. Trinitatis circâ 8^m Matutinam domum rediens non minimè consternatus reperi illum iterum effracto carcere fugisse ipsâ nocte immediatè praecedente; statimque lustrato carcere visoque foramine per quod eruperat caeterisque omnibus perlustratis; invenimus cum fugisse iudis pedibus sine habitu sine pileo sine Cappâ nigrâ, majori cucullâ tamen secum assumptâ saccoque etc^a, statimque emissis aliquot ad ipsum quaerendum non est inventus: aliquot autem diebus elapsis fidei relatione didicimus ipsum iterum ad antedictam Civitatem Hulstensem profugisse. intrans autem dictam Civitatem ut intelleximus ex Cive ejusdem Catholico 15^a hujus valde mane similis mendico aut vili rustico, indutus sacco lineo de quo supra, habens alterum sacculum in capite (erat autem paulo ante rarus ad formam vix appareret nuditas capitis. Non dubium quin tam vilis et iteratae fugae

(Niedau)

(2234)

Ch 17196

incentorem instructorem et conductorem habuerit malignum spiritum, adeoque vix quicquam boni post hac de ipso sperandum. sed miserator et misericors Dominus in cujus manu sunt corda omnium filiorum hominum quem erratem oviculam tandem aliquando ad ovile suum reducat et R^m P^m vestram sacro ordini nostro quandiu= tissimè conservet incolumem. Haec Littera scripta fuit R^s P. Generali ut ex ultimis verbis apparet. de illo autem ulterius nihil omnino inveni adeoque praesumendum est quod non redierit. non datur nomen ejus in Cartâ ulla Capituli gls nec in in Calendario Domus hujus.

D. Egidius Tienpont Monachus hujus Domûs et in illâ professus anno 1637 dum solverunt Parentes ejus 400 Libras Turôn pro renovanda et ornandâ cella sub Litterâ in quâ per 43 annos laudabiliter admodum imo piè et sanctè vixit ab officijs liber et simplex Religiosus et in quâ obyt 29^a aprilis circâ horam 9^m matutinam anno 1680 . caetera judicari possunt ex sermone quem ad Religiosos habuit V.P. Prior D. Melchior Pletincx in die sepulturae ejus, cujus sermonis hic partem jungo.

(610) Ch M 048

Vigilate etc vigilavit reverà Confrater noster, sicut ego et vos omnes Fratres mei Testes estis, qui ut in Domino vixit in Dño piè obyt. serio vigilavit in custodiâ et arce suâ tanquam fidelis Christi miles, vigilavit super animam suam quae est omni arce pretiosior et nobilior, cujus et inimicus violentior et cui hora imminet irruptionis incertior. disposuit Confrater noster domui suae secundum consilium Christi salva= toris sui dicentis per Isaïam: dispone Domui tuae quia morieris tu et non vives. disposuit Confrater noster Domui suae id est vitae suae consci= entiae suae, sibi intendit et saluti, quae sursum sunt ei placuerunt, non quae super terram. Verè Israelita fuit in quo dolus non est, silentij ac soli= tudinis amator et verus cultor, zelosus statutorum et regularis disciplinae observator, sedulus ac strenuus ad laudes Dei concinnandas, sobrius modes= tus et quietus; Cellae sincerus amator nec non pacis et quietis. Votorum suorum perfectus executor; qui non tantum stabilitatem in hac suae pro= fessionis Domo manendo adimplevit sed et in eadem Cellâ habitando plus quam 40 annis et uti spero è Cellâ in caelum evolavit. hic non est spa= tiatus per plateas agros sylvas et virentia pascua; modo spatietur ut spero in Paradysi amenissimo loco, ut ab ubertate loci illius pascatur et delectetur in bonis Domini ac salvatoris sui. Quidni pascatur et delectetur in bonis Domini sui ? cum locum aptissimum sincerum et purum Domino suo quo= que preparavit quando disposuit vitae suae, bene scilicet vivendo, devotè quotidie assistendo, in divinis officijs canendo et psallendo tam nocte quam die; piè celebrando et alia ordinis officia perficiendo. quidni delectetur in bonis Domini sui qui viam preparavit juste piè ac sobrie vivendo, cellam diligendo, solitudinem exactè servando et Deum super omnia diligendo ? quidni pascatur ab ubertate domûs Domini sui; qui priusquam aeternitatis viam ingrederetur, sacramentis Ecclesiae ritè est praemunitus; confessione, sacra Chris= ti Corporis refectione, et extremâ unctione ? quidni delectetur in bonis Do=

mini sui, qui durante suâ infirmitate exemplum fuit patientiae cum plenâ et integrâ resignatione voluntatis suae et conformatione voluntatis divinae usque ad ultimum momentum, ad stuporem omnium nostrum ? Verum V. Patres quia tum purum tam splendidum esse debet quod aeternaliter lucere et splendescere debet etc
Ex quâ mortuus sit infirmitate non invenimus; invenio autem quod ab anno 1677 Chirurgus habuerit ad curandum Genu ipsius 15 Libras similiter post mortem ejus, solutae sunt adhuc Chirurgo ad Genu ejus 30 Librae; unde judicare licet: quod ex assiduis genu flexionibus hoc malum ad genu contraxerit quod sepè fit. quidquid de eo sit; sanctus et bonus odor vitae ejus etiamnum hic perseverat sicut in vullesecle unde ortus dicitur, et in totâ viciniâ.

Vullesecle

D. Gabriel de Bruxellâ Monachus hujus Domûs professus circa annum 1660, nam Primitias suas cantavit anno 1663 in die S^{ti} Georgy. Anno autem 1675 per Cartam Capituli generalis missus est hospes ad Domum Tornaci, unde huc pro Cambio missus fuit D. Leo Moes hujus Domûs professus; qui cum habitaret in cellâ angulari superiore sub Litterâ 9^a aprilis 1678 succensa Cella fuit et in cineres ferè redacta cum musaeo et caeteris aedificijs cum maximo periculo incendij totius ambitus; nisi Domestici et saeculares Campanae sonitu advocati et accurrentes aquarum abundantia cohibuisset flammâs. quare cum accusaretur D. Moes de negligentia aut incuria, fuit mense julio sequente ad Domum suae professionis remissus et solvit nobis Domûs Tornaci ad re=taurationem combustae Cellae 160 Libras turon. D. autem Gabriel rediit huc. anno 1681 iterum ex hâc Domo fuit per Cartam missus hospes ad Domum Gandavi unde non diu post iterum huc redijt et mansit in hâc Domo antiquior ad diem usque mortis ejus quae accidit 19 Xbris 1688 aetatis suae 50°

(712) Ch M 066

D. Melchior Pletincx Herinensis, Monachus hujus Domûs et in illâ professus 28^a Januarij 1653. Procurator institutus in illâ in Martio 1658 loco D. Balthasar de Wolf praedecessoris Procuratoris in Priorem hujus Domûs electi; quem in diligentia et oeconomiae scientia insecutus est et maximam partem habuit in erectione aedificiorum omnium tunc constructorum: et in bellorum tempestatibus continuus infatigatus. Procuraturam sic gessit in hâc Domo per 18 annos, donec anno 1676 initio anni per Litteras obedientiales factus fuit vicarius apud moniales nostras Brugis, quod non mansit nisi ad Cartam usque Capituli nostri generalis anno 1677 sequenti, per quam D. Henricus Petit Prior hujus Domûs loco ejus missus fuit ad vicariatum illum monialium, et D. Melchior institutus fuit hujus Domûs Prior.

(2142) Ch M 177

D. Petit creaverat sibi Procuratorem D^m Hieronimum de Hoppenbrouwer professum D^o Antverpiae ex vicario Domûs hujus. hunc D. Melchior Prior primâ Dominicâ adventus sermonem habens in Capitulo nostro iterum in vicariatu restituit his verbis: Huic Domui nostrae cum a quatuor mensibus

(1116) An M 021

vicario orbatae necesse est ut provideatur, et quidem tali omnes in observantiâ regulari aedificare possit etc post ex tollentiam oculorum in diversas personas, tandem illos conieci in personam D. Hieronimi de Hoppenbrouwer illi igitur gratias ago de labore, sudore et obsequio prestito in officio Marthae eumque absolvo ab officio Procuratoris et instituo vicarium hujus Domûs, D. autem Gummarum van den Eynde denomino et instituo Procuratorem hujus Domûs in nomine Patris etc

Anno 1679 pro primâ vice ascendit ad Capitulum generale unde descendit cum onere visitandi ut Collega Doms Mogunty et Molshemij visitorum ascendit iterum ad Capitulum anno 1681, unde reversus est tunc Convisitor provinciae. Anno autem 1687 cum iterum ascendisset in periculosam infirmitatem incidit Rhemis quo missus fuit fr Anthelmus Donatus, sanus autem factus iterum arripuit. Interèa toto Prioratus sui tempore semper hic bellum erat, annis singulis praedationes, depopulationes agrorum, spoliationes villarum, concursiones Rusticorum ad hanc Domum cum suis Equis et pecoribus et mobilibus ut ea conservarent sub militibus salvagardis quos continuo habebamus ad hoc: et quorum stipendia quae erant maxima, pro majori parte solvebant illi Rustici, sicut et nos. super omnia illa damna quae continuum nobis Bellum intulit, habuimus hic initio augusti 1690 tantam inundantiam aquarum ut quasi dilivium esset, vivarium nostrum in hâc Domo et ante portam et omnia Receptacula piscium nostrorum in unum difflebant, it aut quasi mare viderentur, in Scibbeke vivarium vel vivaria terminos suos egrediebantur ad plateam usque, unde et pro majori parte pisces nostros amisimus. anno 1691 gravius exarsit bellum in his partibus, et 18 februarij cum Procurator noster, Nicolaus de Vroede villicus noster in Nevioele cum Hortulano Domestico nostro tenderent versus Tornacum, inter Tuilain et Mogrez propè Maudè fuerunt arrestati et ducti athum ad Gubernatorem nomine Fareau; allegantes quod carerent salvo conducto et quod certè Equos ducebant ad Gallos: quid quid in contrarium dicerent nil juvabat et fuerunt coacti ut liberi evaderent dare 24 paltacones ne bona nostra situata in flandria in confiscationem caderent, cessimus illa hac aestate, facto Instrumento desuper Patribus nostris Gandensibus et Sylvae S. Martini, insuper per totam aestatem habuimus unâ die hic salvagardum Hispanum, alterâ die salvagardum Gallicum et sic semper unum vel alterum, uni dandim erant 106 Imperiales alteri 60 Imperiales et sic continuo. 12 aprilis huc venerat cum maximis minis, flammis ora nostra devastandi Gallus Capitaneus Le Fevre Regiminis de Roussillon, quod fecerat alijs, nisi dedissemus illi in promptis pulcherrimum Equum, quem ad illum duci jussimus in Branim Comitis. Procurator noster 7^a Junij cum esset cum Gregorio de Smet majero de kestergewaut Angiae in plateâ è regione de Witte Leirse et simul indecerent, fuit majerus occisus duobus ictibus pistoleta per unam partem Copiarum Lunenburgicarum; Procurator feliciter evasit a fractione capitis quam illi minabantur. Huic tristissimae vitae succumbere debuit venerandus Prior noster sic zelans domum suam; nam volens loqui Priori nostro Bruxellensi, locum colloctionis mutuae elegerant villam Car-

tusiae istius in Liniaco S. Martini, ad quam cum advenissent 20 Xbris 1691, Prior et Convisitator Melchior Pletincx subitaneâ quasi morte

defunctus est scripsit egregium Registrum Bonorum nostrorum et alios utiles Libros in Procuraturâ Vir vitâ longiore dignissimus ad bonum Provinciae et hujus Domûs.

D. Gummarus van den Eynde Liranus. Monachus hujus Domûs professus in 7bri 1662, et factus sacerdos Cameraci 3^a Juny 1665. Anno sequenti 1666, 24^a augusti per Litteram obedientiae P Visitoris missus est ad Domum Valencenarum Hospes, pro cujus cambio huc venit ex illâ Domo D. Antelmus Laurent. Anno autem 1670 inde huc rediens factus est vicarius quâ qualitate se signat adhuc 17 Xbris 1670, sed non diu post. Anno 1674 ex hac Domo mittitur ad Domum Bruxellae, unde huc iterum redijt 4 9bris 1677, et prima Dominicâ adventus sequentis factus est ut vidimus suprâ in Capitulo Procurator hujus Domûs. hoc officio tam laudabiliter ijs turbulentis temporibus functus est, ut per Cartam Capituli generalis anno 1683 ex Procuratore nostro factus sit Prior Domûs Sylvae S. Martini. in illa recepit ad ordinem tempore Prioratûs sui quatuor monachos et tres Donatos quos omnes novimus et qui omnes ultrâ 50 annos laudabiliter vixerunt in ordine. Bonus autem Pater Prior Gummarus obyt in illa domo 18 augusti 1692. Scripsit in hac Domo Capellae cum Procurator esset etiam partem Registri et non inutiles annotationes ad Procuraturam.

(844) Ch. N. 678

D. Henricus Petit Angiensis Monachus hujus Domûs professus anno 1649, subdiaconus ordinatus vigore Dimissorialium ab Epise Mechliniensi 12 Marty 1650, eodem anno Diaconus, et in Mayo 1651 factus sacerdos. Deinde post aliquot annos missus est vicarius ad Domum Lirae deinde ad Domum Antverpiae, ubi existens defuncto 12^a aprilis hic D. Priore de Wolf A^o 1669 electus est in hac Domo suae professionis Prior in quâ non invenit nisi, ratione belli continui, calami-tosa tempore post octo annos praesidentiae translatus est hinc per Cartam 1677 ad vicariatum Monialium nostrarum Brugis loco D. Melchioris Pletincx qui jussus est hanc praesidentiae sedem occupare. apud moniales nostras non nisi per Tres annos mansit nam per Cartam Capituli generalis 1680 venit ad Prioratum Domûs Lirae ubi et mortuus est 30 7bris 1693. hic praesidens aedificavit villam nostram in Cromrycke Grangiam stabula etc varios fratres Donatos ad ordinem recepit et aliquos monachos.

(1060) Ch. N. 089

D. Petrus Oosterlinck Monachus hujus Domûs et in illâ professus in Maijo 1675. deinde ordinis sacros recepit et brevi post factus sacrista in hac Domo, in quo officio perseveravit ad obitum usque qui accidit in vigiliâ S. Thomae apostoli 1693.

(2415) Ch. M. 207

D. Joannes Janssens Monachus hujus Domûs et in illâ professus circâ finem anni 1661 tunc successivè sacros ordines suscepit et tandem in Martio 1664 factus sacerdos est Antverpiae. 4^a 9bris 1677 per Litteras obedientiales missus fuit hospes ad Domum nostram Bruxellis, in quâ nonnisi per biennium mansit sed huc redijt. Anno autem 1683 erat hospes Antverpiae ubi ex herniâ multum passus est et curari non parvis sumptibus debuit. inde iterum post duos aut tres ad summum annos iterum ad hanc suae professionis Domum redijt et mansit ad finem vitae signans se in actis seniore Domûs. obyt autem 8^a Junij 1696, alibi 7^a Junij.

V (1616) Ch 1739

D. Hugo Segers Angiensis, ante vocatus Christophorus, Monachus hujus Domûs, vestitus 22 Octobris 1679 et anno sequenti professus. 1681, 3^a May Mechliniae minores et subdiaconatum recepit, in Pentecoste Diaconatum et eodem anno sacerdos ordinatus Primitias suas celebravit 18^a octobris. ex his apparet quod aetatis fuerit ad Presbyteratum dum fecit professionem, videtur etiam quod vestem nigram deferret, forte Clericus Theologus dum receptus est, quia ut invenio ex veste ejus sericâ nigrâ facta est casula anno eodem 1681. post unum aut alterum annum post quam sacerdos factus esset, missus est ad Domum Sylvae S. Martini, unde huc redijt anno 1684. Anno sequenti fuit missus ex hâc Domo cum D^o Pirot professo D Gandavi qui hic hospitabatur, per Cartam ad Domum Monachorum Brugis, unde eodem iterum anno huc est reversus. habentur hic in originali versus aut Carmen ab illo compositum et dicatum D^o Melchiori Pletincx Priori suo, anno 1683, quod ingenium suum ostendit. Caeterum ab anno 1684 quo huc Brugâ est reversus, nihil amplius de eo invenire potui; nec ejus obitus habetur in Calendario nec in ullâ Cartâ Capituli generalis quae malam suspensionem praebent. unicum quod invenio in quodam manuali Procuratoris anni 1696 quod V.P. Visitor hic fuerit ut caperet (inquit) informationem super negotia P^r Seghers. Non possum tacere quod alias audivi dici, an verum aut falsum sit, novit Deus quod hic et D: Amandus Claes cum essent^{fuisse} optimi studiosi amantes facti, ad invicem scriptis litigaverint, inclusi vel ambo vel saltem unus ex ijs. interrogatus a me V.P. kelders dum viveret sacrista noster et Jubbolarius an nihil audivisset de obitu D. Segers, retulit: quod audisset quod desperatus obierat et ideo corpus ejus non in Caemeterio sed in horto sacristae sepultum sit. quid de hoc etiam sentiendum non audeo dicere, et quomodo haec res se habeat Deus solus scit. Pater ejus fuit nobis magnus Benefactor, habuimus enim ab illo Tria plus minus Bonaria Terrae.

Ch 17098
()

D. Franciscus Bodart Wavriensis professus Domûs Lirae a Prioratu Domûs Lovanij ad Prioratum Domûs hujus Capellae translatus est per Cartam Capituli anno 1694, loco D. Henrici Raeymakers absoluti et ad vicariatum monialiumstrarum Brugis eadem Cartâ translatus. hoc tempore ubique Bellum, ubique ruinae in his partibus quae reverâ in hâc Domo talem virum requirebant. Habebamus in Civitate Angiensi antiquum nostrum

(654) Ch 17040

amplum et spatiosum Refusium in vico dicto Willoy Straete, unde factae fuerant tres Domus majores cum unâ minore, quae locabantur Extra=neis qui continuo reparationes et etiam novitates sollicitabant, sicque nobis maximè erant oneri. ad illas vendendas V.P. Petit Prior et Conventus anno 1677 consentientibus V.V.P.P. Visitoribus a R^{do} Patre Generali licentiam obti=nerant, quod tamen tunc factum non fuit. resumpta hec res fuit a V. Patre Bodart et suo Conventu et nova supplica desuper presentata 17 9bris 1694 et approbantibus V.V.P.P. Visitoribus concessa petitis a R^{do} Patre Generali 11^a Xbris. addo hic ambas illas supplicas ut videatur ratio quare Domûs illae fuerint venditae et quomodo venditio haec maximè nobis profuerit in amortisatione Bonorum nostrorum anno 17

Reverendissimo in Christo Patri Priori Majori Cartusiae et totius ordinis Cartusiensis Generali debitam obedientiam et Reverentiam.

Infrascripti Prior et Conventualis Domûs Capellae beatae Mariae propè Angiam notum facimus quod in oppido Angiensi habeamus tres mag=nas cum quartâ parvâ, Domos, quae a pluribus annis insumpserunt et insumunt adhuc modo, sumptuosas valde reparationes, earumdem Do=morum elocationis pretium valde exiguum, tardè solutum et subinde nullum: haec considerantes juxtâ consilium proborum virorum, Do=mûs nostrae utilitati convenire judicamus, ut praefatae Domus dentur in Emphyteusim vel vendantur, et earum praetium juxta Statuta in aliarum rerum immobilium acquisitionem convertatur, quod fiet cum duplicato annuo Redditu sine onere reparationum et Reddituum solutione quibus dictare Domus gravantur, pro quo jam praemisso debet debito cum Conventualibus tractatu et eorundem habito consensu, consentientibus etiam VV^{dis} Patribus Visitoribus, humiliter postulamus licentiam a Reverendissimâ Paternitate vestrâ, quam multis annis ad suam gloriam et omnium nostrum salutarem directionem servet pijssimus Deus, quod sperant cum omni humilitate subscripti Reverendissime Pater. Humiles filij et servi vestri. f^r Henricus Petit Prior f^r Theodorus Mallants vicarius. f^r J. de Weese. f^r Egidius Thien=pont S^a f^r Andreas Langhenhove. f^r Joân Bapt^a Verstrepen. f^r Petrus Oostelinck.

Cum aperte constet venditionem requisitam utilem Domui fore, libenter ex parte nostrâ in eamdem consensimus. actum in Cart^a Lyrana die 29^a Marty 1677. f^r Petrus Antonius Pecquius, Prior D^s Lyræ Visitat f^r Hugo de Molinghen Prior D Lovanij Convisitor.

Conceditur prout petitur. Datum Cartusiae hâc 26 Junij 1677.

Reverendissimo in Christo Patri Priori majoris Cartusiae totius ordinis Cart^{ae} Generali meritissimo nec non VV^{dis} P.P. Provinciae Teutoniae Visita=toribus.

Exponunt debita cum reverentiâ Conventuales Cartusiae Herinensis alias

Capellae beatae Mariae propè Angiam : ad suas devenisse manus Libellum quemdam supplicem a se respectivè et praedeceptoribus suis, prius V.V.P. P. Visitoribus, dein R^{mo} Patri oblatum et ab utrisque respectivè 29^a Martij 1677 signatum et 26 Junij, quo propter rationes inibi allatas) licentia conceditur prout ex huic junctà copià videre est, vendendi et alienandi Tres majores cum unà parvâ, quas in praefatâ Civitatet Angiensi habent Domos: quod tamen hactenus factum non est : sed cum eadem adhuc militent rationes et Domus nostra insuper aere alieno miserè gravata sit, quod mercenarijs et operarijs aegestatem et in opiam patientibus (quarum mercedem nequidem usque mane apud nos morari debet Levil. 19) multa debeamus nec aliunde satisfacere possimus; ne ergo eos victu privando interfecisse dicamur . nam juxta Eccles 34: qui mercedem subtrahit mercenario, effundit sanguinem.

Humiliter et obnixè rogamus et petimus, quatenus R^m Pater et V.V.P.P. Visitores, votis nostris suffragantes, consentire dignentur ut pretij harum Domorum medietas (quod tatole ad 3600 floren praeter propter summam forsitan ascendet) applicari possit ad solutionem debitorum istorum maximè urgentium et in caelum clamantium: orabimus praeterea Dominum Deum ut Reverentiam vestram et venerandes Paternitates vestras diu servet incolumes. Datum in Domo Capellae hâc 17^a novembris 1694.

f^r Franciscus Bodart Prior . f^r Petrus Wouwermans vicarius . f^r Joaⁿ bapt^a Verstrepen . f^r Joannes Janssens. f^r Anthelmus Schoonheydt Procurator. f^r Guilielmus vanden Loooven Sacrista.

Nos infrascripti considerantes presentem Domûs necessitatem ac rei vendendae utilitatem; harum Domorum approbamus venditionem, modo una praetij medietas applicetur ad solutionem debitorum, et altera ad emptionem aliorum bonorum immobilium. Actum in Cartusia Bruxell^a 22 9bris 1694.

f^r Hugo Gaethovius Prior D. Bruxellensis Visitor. f^r Constantinus Magnus Prior D. Gandavi Convisitor.

Visâ approbatione Patrum Visitorum Provinciae, consensum nostrum damus et licentiam facimus ut fiat prout petitur. Cartusiae hâc 11^a Decembris 1694. f^r Innocentius prior Cartusiae.

Emptor Domorum illarum fuit D. Comes de Clerfaij pro 4 millibus floren anno 1695 antequam Galli 13, 14 et 15 augusti urbem Bruxellensem sub illorum Duce Marechallo de Villeroy Bombardis pro majori parte diruerent, Exercitus eorem hic in locis vicinis quasi furore incensi milites cuncta invasere . 12^a Augusti spoliarunt quidquid invenerunt ex mobilibus Rusticorum sicut et nostra in Ecclesia nostrâ anteriori; unde coacti fuimus per 18 dies Gallum Militem tutelarum aliàs sauvegarde in hâc domo tenere et dare illi diebus singulis 7 pattacones et 10 asses. supervenerunt post illos partes vel copiae Hispanorum post quos iterum Galli omnia sibi apprehuentes et diripientes. juvereunt nos in solutionibus militum istorum tutelarium, Rustici qui huc

confugerant cum suis mobilibus et animalibus, quibus et varia monasteria loca pro tempore illo elocaveramus. utilis nobis hoc turbulento tempore admodum videbatur Prior hic D. Bodart sed diu permanere non potuit; translatus enim per Cartam Capituli generalis anno 1696 ad Domum Lyrae suae professionis ad Prioratum nominatus etiam Provinciae hujus Convisitator: hoc existens adhuc multum profuit toti. Provinciae, notus erat Gallis et amicus Intendentis illorum D. qui Cartusianos diligebat, qui et pro Domibus nostris obtinuit a Rege Litteras exemptionum de non solvendis Contributionibus, imò sollicante P. Bodart procurabat itinerantibus officialibus nostris Tabulas com meatus tutelares vulgo Passeports: pro quibus omnibus obtinendis ascenderas semel aut bis ad aulam Regis Galliae fallar

Pro sibi imposito munere continuabat cum D^o Constantino Magno Priore D. Gandavi et Visitatore, visitare Provinciam temporibus statutis, donec circa medium septembris anno 1701 cum intellexisset V. P. Visitorum Gandavi graviter infirmari, eo se contulit ibique nescio quo fato in gravem morbum ipse invisens alterum incidit unde et ante P. Visitorem mortuus est, 26^a 7bris, P. Visitor autem 4^a octobris sequentis.

D. Joannes baptista Verstrepen Monachus prof^s hujus Domûs et antiquior, professus circa medium septembris anno 1662 in quo mense etiam suas primitias cantavit anno 1663. Anno 1678 missus est per Chartam Capituli gls ad Domum Monachorum Brugae, unde post sex annos plus minus iterum ad Domum hanc suae professionis est reversus. non video quod in ordine aliqua obedientia particularis illi commissae fuerit, mansit in hac domo bonus Chorista ad obitum usque, infaustis semper bellorum temporibus. obijt antiquior Domûs 21 May 1704.

(1870) ch 1166

D. Henricus Raeymaekers professus Domûs Bruxellensis. in hac Domo fuerat institutus vicarius per Cartam Capituli generalis anno 1691 quo anno 2^o Xbris obiit hujus Domûs Prior D. Melchior Pletincx Convisitator. Monachi Herinensses electione datâ 10 Januarij 1692 suum vicarium D Henricum sibi Priorem elegerunt hoc infelicissimo tempore, nam eodem electionis hujus anno Gallorum totus Exercitus in hoc Pago castrametatus est usque ad Pagum de Steenkerke in quo famosa illa pugna accidit dicta de Steenkerke 3^a augusti eodem anno 1692. anno sequenti 1693 Hollandi Exercitus Cohors ex Lennicke hoc monasterium invasit et depraedavit obvia quaeque diripientes milites et confringentes, inter caetera plusquam 24 millia tegularum vel ardosiarum in Tectis fregerunt; furatae sunt unâ nocte omnes vestes P vicarij ex cellas ejus. in viâ Montensi fuit Procurator a militibus grassatoribus aggressus, et coactus se redimere datis 16 Libris. caeterum annis 1693 et 1694 Terrae omnes hic et in vicinia incultae manebant, milites fructus omnes depraedantes continuò. Anno 1693 ab initio ferè augusti ad finem usque

(1064) Ba 17067